



Department of
Education

www.deni.gov.uk

AN ROINN

Oideachais

MÁNYSTRIE D

Lear

Ábhar:

**Socruithe Measúnaithe Idirthréimhseacha
ó 2009/10**

Uimhir Ciorcláin:

2010/06

Dáta Eisiúna:

29 Aibreán 2010

Spricoclucht:

- Príomhoidí agus Boird Ghobharnóirí i ngach bunscoil, iar-bhunscoil agus scoil speisialta dheontaschúnta;
- Boird Oideachais agus Leabharlaine;
- Comhairle na Scoileanna Caitliceacha faoi Chothabháil;
- Comhairle Curaclaim, Scrúdúcháin agus Measúnaithe;
- Comhairle na Gaelscolaíochta;
- Comhairle Tuaisceart Éireann um Oideachas Comhtháite; agus
- Ceardchumann na Múinteoirí.

Achoimre ar Ábhar:

Sa chiorclán seo sonraítear go foirmiúil go dtagann Ord (Tuaisceart Éireann) Oideachais (Leibhéal Dul Chun Cinn d'Eochairchéimeanna 1, 2 agus 3) (Idirthréimhseach) 2010 i bhfeidhm ar 30 Aibreán, agus achoimrítear ann na socruithe idirthréimhseacha atá sonraithe san Ord i dtaca le measúnú na ndaltaí i mblianta deiridh Eochairchéimeana 1, 2 agus 3 sna scileanna traschuraclaim den Chumarsáid agus d'Úsáid na Matamaitice.

Feasacht Gobharnóirí:
Riachtanach

Stádas an Ábhair:
Comhairle i ndiaidh reachtaíochta

Doiciméid Ghaolmhara:
Doiciméid Mheasúnaithe
CEA
R.R. 2010 Uimh. 135

Doiciméid Cealaithe:
Ciorclán RO 2006/26

Dáta Éaga:
Ní bhaineann
Suíomh gréasáin DENI:
<http://www.deni.gov.uk>

Guthán: 028 9127 9565
Facs: 028 9127 9100

Fiosrúcháin:

Ba chóir aon fhiosrúchán faoi ábhar an chiorcláin seo a chur chuig:

Julie Craig

Foireann Measúnaithe agus Cáilíochtaí

An Roinn Oideachais

Teach Rathgael

Bóthar Balloo

Rathgill

BEANNCHAR

BT19 7PR

Réamhrá

1. Anuraidh chuir an Roinn in iúl, ar feadh tréimhse idirthréimhsí – go dtí go dtabharfar na Leibhéal nua Dul Chun Cinn isteach – go leanfaí leis na socrúithe measúnaithe atá ann faoi láthair, go ndéanfaí measúnú ag deireadh Eochairchéimeanna 1, 2 agus 3 i leith na dtuairiscíní leibhéal reatha do Theanga agus don Litearthacht (Béarla - agus/nó Gaeilge de réir mar is cuí i nGaelscoileanna agus in aonaid Gaelscolaíochta) agus don Mhatamaitic agus Uimhearthacht (Matamaitic).
2. I dtaca leis an chúlra seo de, tá Ord déanta ag an Roinn – Ord (Tuaisceart Éireann) Oideachais (Leibhéal Dul Chun Cinn d'Eochairchéimeanna 1, 2 agus 3) (Idirthréimhseach) 2010 (R.R. 2010 Uimh. 135) – le foráil a dhéanamh dó de réir dlí.
3. Foráiltear san Ord, a thagann i bhfeidhm ar 30 Aibreán 2010, **gurb iad, ar bhonn idirthréimhseach go dtugtar na Leibhéal nua Dul Chun Cinn isteach, na tuairiscíní leibhéal reatha i dtaca le Teanga agus Litearthacht (Béarla/Gaeilge) (don scil traschuraclaim de Chumarsáid) agus le Matamaitic agus Uimhearthacht (Matamaitic) (don scil traschuraclaim d'Úsáid an Matamaitice) na leibhéal atá le húsáid le measúnú a dhéanamh ar dhaltaí sna blianta deiridh d'Eochairchéimeanna 1, 2 agus 3.**
4. Cinnteoidh sé seo, sa tréimhse idirthréimhseach seo sula dtabharfar na leibhéal nua Dul Chun Cinn isteach, go mbeidh measúnú leanúnach ann (chomh maith le tuairisciú na dtorthaí measúnaithe) i dtaca leis na daltaí seo sna heochair-réimsí curaclaim seo. Tá CCEA i gcónaí ag soláthar aonaid measúnaithe do bhunscoileanna agus trialacha ag Eochairchéim 3 do na scoileanna sin ar mhaith leo iad a úsáid.
5. Le foráil a dhéanamh do na tuairiscíní leibhéal reatha atá le húsáid don mheasúnú, tagraíonn an tOrd dóibh seo mar “Leibhéal Dul Chun Cinn”. Tá seo amhlaidh cionn is go nascann an reachtaíocht phríomhúil faoina ndearnadh an tOrd reatha, measúnú Cumarsáide agus Úsáid na Matamaitice leis na “Leibhéal Dul Chun Cinn”. Is iad na leibhéal atá sonraithe san Ord, áfach, na leibhéal atá in úsáid ag údaráis scoileanna faoi láthair. Tá sé

tábhachtach go leagfar béim air seo sa dóigh nach meascfar na leibhéil seo leis na Leibhéil Dul Chun Cinn nua atá le tabhairt isteach go fóill. (Tá eolas breise ar an obair atá déanta ar na Leibhéil Dul Chun Cinn nua go dtí seo leagtha amach in ailt 15 go 17.)

6. Tá Ord (Tuaisceart Éireann) Oideachais (Leibhéil Dul Chun Cinn d'Eochairchéimeanna 1, 2 agus 3) (Idirthréimhseach) 2010 ar fáil ar:

http://www.opsi.gov.uk/sr/sr2010/pdf/nisr_20100135_en.pdf

Tá an tOrd Oideachais (Tuaisceart Éireann) 2006 – an reachtaíocht phríomhúil faoina ndearnadh an tOrd – ar fáil ar:

<http://www.opsi.gov.uk/si/si2006/20061915.htm>

Socruithe Measúnaithe

7. Faoin Ord, caithfear measúnú reachtúil a dhéanamh ar na daltaí uilig sna blianta deiridh d'Eochairchéimeanna 1, 2 agus 3, ach amháin na daltaí sin a bhfuil díolúine acu ó shocruithe measúnaithe i gcásanna sonraithe (féach alt 10 anseo thíos le sonraí a fháil).
8. Tá na mionsocruithe measúnaithe agus na leibhéil faoina measúnófar dul chun cinn daltaí sna blianta deiridh d'Eochairchéimeanna 1, 2 agus 3 leagtha amach i nDoiciméid Mheasúnaithe a d'ullmhaigh An Chomhairle Curaclaim, Scrúdúcháin agus Measúnaithe (CCEA) agus atá faofa ag an Roinn faoin Ord. Mar atá luaite thuas, is iad seo na leibhéil atá in úsáid i scoileanna faoi láthair.
9. Is féidir na Doiciméid Mheasúnaithe dar teidil:
- “Socruithe Measúnaithe (Idirthréimhseach) maidir le Daltaí sna Blianta Deiridh d'Eochairchéimeanna 1 agus 2”; agus
 - “Socruithe Measúnaithe (Idirthréimhseach) maidir le Daltaí sa Bhliain Deiridh d'Eochairchéim 3”,

a fháil ar:

Eochairchéimeanna 1 agus 2:

http://www.nicurriculum.org.uk/docs/key_stages_1_and_2/assessment/KS1&2_AssessmentBook_Irish_WEB.pdf

Eochairchéim 3:

http://www.nicurriculum.org.uk/docs/key_stage_3/assessment_reporting/KS3_AssessmentBook_Irish_WEB.pdf

Ar a bharr seo, beidh cóipeanna crua de na doiciméid seo á n-eisiúint ag CCEA go luath amach anseo.

Eisceachtaí

10. Déantar foráil san Ord do na díolúintí seo a leanas ón riachtanas measúnuithe a dhéanamh:
 - (a) dalta ag a bhfuil ráiteas riachtanais speisialta oideachais a ndearnadh measúnú air/uirthi mar dhalta ag a bhfuil deacrachtaí troma foghlama;
 - (b) sa chás a bhfuil díolúine ag dalta ó cheann ar bith de riachtanais Ailt 5 go 9 d'Ord (Tuaisceart Éireann) Oideachais 2006 – baineann na hAilt seo leis an churaclam, scileanna agus measúnú – i leith Alt 14 (Obair forbartha agus turgnaimh), 15 (Eisceachtaí de réir rialúchán), 16 (Daltaí ag a bhfuil ráitis riachtanais speisialta oideachais) nó 17 (Díolúintí sealadacha do dhaltaí aonair) den Ord sin, ní bhaineann na forálacha measúnaithe i dtaca leis na riachtanais a bhfuil díolúine ag an dalta uathu agus ní dhéanfar measúnú ar an dalta ach i dtaca leis na codanna sin den churaclam nach bhfuil díolúine aige nó aici uathu.

Torthaí Measúnaithe a Thuairisciú

Tuairisciú chuig CCEA

11. **Faoin Ord, is riachtanas reachtúil é go gcuirfidh scoileanna na torthaí measúnaithe do dhaltaí sna blianta deiridh d'Eochairchéimeanna 1, 2 agus 3 chuig CCEA** gach bliain san fhoirm agus faoin dáta a leagtar síos ag CCEA.

Tuairisciú chuig Tuismitheoirí

12. **Faoin Ord chomh maith, caithfidh scoileanna torthaí measúnaithe a thuairisciú chuig tuismitheoirí a bhfuil a bpáiste sa bhliain deiridh**

d'Eochairchéimeanna 1, 2 nó 3. Tá an fhaisnéis a chaithfear a sholáthar leagtha amach i Rialúcháin (Tuairisciú Dalta) Oideachais (Tuaisceart Éireann) 2009, mar atá:

- an leibhéal atá bainte amach ag dalta i leith na dtuairiscíní leibhéil don Chumarsáid (Teanga agus Litearthacht – Béarla agus/nó Gaeilge) agus Úsáid na Matamaitice (Matamaitic agus Uimhearthacht);
- an leibhéal ionchais sa Chumarsáid (Teanga agus Litearthacht – Béarla agus/nó Gaeilge) agus Úsáid na Matamaitice (Matamaitic agus Uimhearthacht) do dhaltaí sa bhliain deiridh den Eochairchéim ábhartha. (Féach alt 13 anseo thíos ar na leibhéil ionchais.); agus
- an céatadán de na daltaí sa bhliain deiridh den Eochairchéim sin a ghnóthaíonn: gach leibhéal; an leibhéal ionchais nó os a chionn; atá ag obair i dtreo an leibhéil ionchais ach nach bhfuil sé gnóthaithe go fóill acu; agus, a bhfuil díolúine acu ó mheasúnú sa scil traschuraclaim sin.

Sa chás a bhfuil díolúine ag a bpáiste ó aon chuid de na socruithe measúnaithe, caithfear an t-eolas seo a thabhairt do thuismitheoirí.

13. Is iad seo a leanas “na leibhéil ionchais” do dhaltaí sna blianta deiridh d'Eochairchéimeanna 1, 2 agus 3 i dtaca le Cumarsáid (Teanga agus Litearthacht – Béarla agus/nó Gaeilge) agus Úsáid na Matamaitice (Matamaitic agus Uimhearthacht);

- Deireadh Eochairchéim 1 – Leibhéal 2
- Deireadh Eochairchéim 2 – Leibhéal 4
- Deireadh Eochairchéim 3 – Leibhéal 5.

14. Tá Rialúcháin (Tuairisciú Dalta) Oideachais (Tuaisceart Éireann) 2009 ar fáil ar:

http://www.opsi.gov.uk/sr/sr2009/nisr_20090231_en_1

Tá Ciorclán gaolmhar na Roinne, 2009/15, Rialúcháin Tuairiscithe Dalta 2009 ar fáil ar:

http://www.deni.gov.uk/2009_15_-_rialuchain_tuairiscithe_dalta_2009.pdf

I dtreo na Leibhéal Dul Chun Cinn Nua

15. Anuraidh rinne an Roinn Oideachais comhairliúchán ar dhréacht nua de Leibhéal Dul Chun Cinn arna bhforbairt maidir leis na scileanna traschuraclaim de Chumarsáid, Úsáid na Matamaitice agus Úsáid TFC faoin churaclam athbhreithnithe. De thoradh ar na freagairtí comhairliúcháin rinne CCEA, ar iarratas ón Roinn, a thuilleadh anailíse ar na freagairtí ar a mbunófar an chéim deiridh de bhreathnú na Roinne ar na Leibhéal Dul Chun Cinn agus ar na socruithe gaolmhara measúnaithe.
16. Tá an comhairliúchán sin chóir a bheith déanta anois, agus cuirfidh an Roinn an toradh in iúl do scoileanna go luath amach anseo. Is é an rún atá ann go fóill na Leibhéal Dul Chun Cinn nua d'Úsáid TFC a thabhairt isteach bliain níos moille ná na Leibhéal Dul Chun Cinn nua don Chumarsáid agus d'Úsáid na Matamaitice.
17. Mar atá curtha in iúl do scoileanna cheana féin, ní thabharfaidh an Roinn na Leibhéal Dul Chun Cinn nua isteach go soláthrófar an oiliúint, an tacaíocht agus an treoir atá de dhíth ar scoileanna, agus tá an Roinn ag déanamh socruithe chuige sin i gcomhar le CCEA. Fágann sé seo go mbeidh na socruithe measúnaithe idirthréimhseacha mar atá leagtha amach thuas, i bhfeidhm sa scoilbliain 2010/11 agus gurb é an scoilbhliain 2011/12 an dáta is luaithe a d'fhéadfaí na socruithe measúnaithe a thabhairt isteach faoi na Leibhéal nua.



BRIAN MORROW
Foireann Measúnaithe agus Cáilíochtaí